

玉海

辭學指南

六十三



玉海卷第一百七十九

浚儀王應麟伯厚甫

食貨

貢賦

賦出於田自上稅下貢出於土從下獻上

堯制賦

詩甫田正義禹貢云五百里甸服云云注云甸服者

堯制賦其田使入穀禹弼其外百里者賦入總謂入

刈禾也二百里銍斷去藁也三百里秸又去穎也四

百里入粟五百里入米者遠彌輕也甸服之制本自

納總禹為之差使百里者從之耳 **六韜**帝堯王天

下其自奉甚薄其賦役甚寡

禹九州貢法 九州賦法 田賦 見郡國

夏貢

書禹別九州任土作貢注禹制九州貢法此堯時事

功 冀州既載注堯所都也先施貢賦後州不言貢此

差州於厥賦惟上上錯注鄭元云此州入交錯不問雜之濟

河惟兗州厥貢漆絲厥篚織文注地宜漆林又宜織

留絲中琴瑟之絃織貝文漢世陳海岱惟青州

厥貢鹽絺海物惟錯岱畎絲枲松怪石厥篚檠絲

海岱及淮惟徐州厥貢惟上五色羽畎夏翟

桐泗濱浮磬淮夷蠙珠暨魚厥篚玄織縞淮海惟揚

州厥貢惟金三品注金銀瑶琨篠簜齒革羽毛惟木

厥篚織貝厥包橘柚錫貢注錫命乃荆及衡陽惟荆

州厥貢羽毛齒革惟金三品柶鞀栝栢礪砥斆丹三

邦底貢厥名惟箛篳篥包匭菁茅注齊責楚厥篚玄

纁璣組九江納錫大龜注龜不常用荆河惟豫州厥

貢漆象絺紵厥篚織纊錫貢磬錯華陽黑水惟梁州

厥貢瓊鐵銀鏤怒聲熊羆狐狸織皮黑水西河惟雍州

厥貢惟球琳琅玕注雍州雜賦其無能以其地不且也豫

州注錯上中梁下中三錯惟出正賦底慎財賦咸則三壤

成賦中邦注上中下田也準則其田以定中國之賦

已邦而五百里甸服百里賦納總禾二百里納銍禾三

百里納秸服稟四百里粟五百里米注自總至米皆

而遠精近者易致遠者難致故也義內不封建故田

正義曰貢賦之法其來久矣治承之後更復改新非禹始為貢也此所貢與周

禮太宰九貢不殊其賦與周禮九賦全異不言作賦

而言作貢取上供上之義或曰貢者夏曰賦謂

稅穀以供天子因九州差為九等稅俱什一而為九

賦

賦

等者人功有強弱收穫有多少傳以荊州田第八賦  
第三為人功脩雍州田第一賦第六為人功少鄭元  
云貢者百工之府受而藏之其實於篚者入於女功  
故以貢篚別之篚之所盛皆供衣服之用貢者以所  
出之穀市其土地所生異物獻其所有謂之厥貢亦  
有不用賦物直隨地所有採取以為貢者又曰五服  
堯之舊制洪水平之後禹為節文使賦役有常甸服  
去京師最近賦稅尤多每於百里即為一節侯服稍  
遠近者供役二百里內各為一節三百里外共為一  
節綏要荒三服去京師益遠每服分為二內三百里為

一節外二百里為一節甸服入穀故首言賦稅侯服

以外貢不入穀 **孟子**夏后氏五十而貢殷人七十

而助周人百畝而徹其實皆什一也徹徹也助藉也

注民耕五十畝貢上五畝耕七十畝以七畝助公家

百畝徹取十畝為賦 詩正義史傳說助貢之法

孟子為明孟子王制龍子曰治地莫善於助莫不善於

貢貢者校數歲之中以為常 禹九州之賦雖曰較數

豐凶又使之錯出他苦之賦則四年必無取盈之理

孟子所謂不善者特救戰國之失耳禹法定下然也

**史記**自虞夏時貢賦備矣 **詩正義**禹貢九州之  
賦法凡有九等 **漢食貨志**禹定九州制土田各因  
所生遠近賦入貢棊楸遷有無萬國作又 **隋食貨**

志禹制九等而康歌興

通典禹任土作貢分田定

稅十一而賦萬國以康

呂氏曰九州之貢皆服食

器用之物所謂惟正之供

林氏曰八州之貢充雍

至寡荆揚至多然各因地所宜雖有多寡而無輕重

**左傳**夏貢金九牧

尚書旋璣鈴禹治九貢

**殷周軍賦**

見兵制

左傳韓賦七邑皆成縣也

成縣賦百乘魯

賦八百乘邾賦六百乘天子之老請帥王賦鄭脩車

賦倣師徒悉索敝賦

公羊注十井為一乘公侯封

方百里凡千乘伯四百九十乘子男二百五十乘

論語由也千乘之國可使治其賦也注孔曰兵賦

三禮義宗兵賦義曰鄭注周禮軍旅之數云此先王

因農事而定軍令也天子六鄉六遂故有十二軍諸

侯三鄉三遂故有六軍次國二鄉二遂故有四軍小

國一鄉一遂故有二軍鄉為正軍遂為副倅故云天

子六軍諸侯大者三軍次二軍小一軍皆據正軍而

言不數副倅

周禮疏趙商問校人職云云

答曰司

馬法甸有戎馬四匹長轂一乘此為民出軍賦無與

於天子國馬之數卿大夫之采地王不特置司馬各

自使其家臣為司馬主其地之軍賦

夏官疏

禮疏問

志云稍縣都鄙地有公邑之民口率出泉於王也邦國都無口率之賦唯有軍賦革車匹馬士徒而已凡出軍之法先六鄉賦不止次出六遂賦猶不止召兵於公邑及三等采賦猶不止乃召兵於諸侯大國三軍次國二軍小國一軍此軍等皆出於鄉遂賦猶不止則諸侯有過境出之法則千乘之賦是也小司徒地之所出唯貢而已口率出錢及軍法乃名賦鄭并言賦者以民有地貢即有錢賦及軍賦故兼言賦且禹貢地貢亦名賦載師疏春秋正義案周禮有夫征家征夫征謂出稅家征謂出車徒給徭役

王禮卷之十一

小司寇大比登民數登于天府內史司會冢宰貳之以制國用注人數定而九賦可知國用乃可制

史通夏書則編於禹貢周書則託於王會亦有圖形九州之鼎列狀四荒之經

周畿內貢法

邦國助法規田

殷助見

孟子請野九一而助國中什一使自賦詳見後耕者助而不稅使出力助耕公田春秋初稅畝胡氏曰

譏宣公廢助法而用稅也王制古者公田藉而不

稅注孟子曰殷人七十而助古者謂殷時甫田正

義禾庾當在畿內若畿外則采取美物以當邦賦不







以作民職職民九以令地貢歛財賦賦及軍賦九賦乃分地

職所九職宜制地貢所稅職頒職事以為地灋而待政令領

職事十有二于邦國都鄙使以登萬民於登之籍一曰稼

穡二曰種藝三曰作材四曰阜蕃五曰飭材六曰通

財七曰化材八曰歛材九曰生材十曰學藝十有一

曰世事十有二曰服事八曰歛材已上與大半同大

穡生材已下四事是民之事業學問鄭司農云自稼穡至生材即九職以問民解生材後鄭易之疏

小司徒稽國中及四郊都鄙之夫家九比之數注九

宰職出九閭師以時征其賦注九賦凡任民任農

以耕事貢九穀率任之以貢太任圃以種事貢草木任

工以飭材事貢器物任商以市事貢貨賄任牧以蓄

事貢鳥獸任嬪以女事貢布帛任衡以山事貢其物

任虞以澤事貢其物九職以虞衡為一此以為二唯

於此不凡無職者民即問出夫布獨言無職者載師

任地見上縣師以歲時令野之賦貢郊甸稍縣都

師征歛郊外賦貢縣師均人均地政注地職謂地

凶札無力政財賦九賦遂人以土均平政頒職作

事令貢賦遂師入野職野賦于玉府里宰歛其

財賦委人歛野之賦土均均地貢九諸侯之角

人羽人掌葛歛于山澤之農掌邦賦之政令司稼

以年上下出欵法 **春官**大宗伯大均之禮恤衆注均

守地政地職 **夏官**天司馬施貢分職以任邦國注賦職謂

以九畿之籍施邦國之政職凡令賦以地與民制之

司勲惟加田無國正注正稅也祿田亦有給司農

少府 **職方氏**制其貢各以其所有 **懷方氏**致方

貢致遠物達之以節注遠物九州之外無貢法 **秋**

**官**大行人邦畿方千里其外方五百里謂之侯服歲

一見其貢祀物甸服二歲一見其貢嬪物男服三歲

一見其貢器物采服四歲一見其貢服物衛服五歲

一見其貢財物要服六歲一見其貢貨物 **小行人**

注六服所貢也歲之常貢別大宰之九貢也小行人之

**春**入貢注六服所貢也歲之常貢別大宰之九貢也小行人之

又有所謂今諸侯 **掌交**掌邦國之通事而結其交

好以諭九稅之利注九稅所稅民九職正義 **左傳**

昭十三年子產曰天子班貢輕重以列列尊貢重周

之制也卑而貢重者甸服也注謂天子畿內共職而

**國語**周史伯曰王者居九畷之田收經入以

食兆民注九畷九州之極數也楚語曰天子之四

漢婁敬傳敬曰周公營雒以四方諸侯納貢職道里

均 **晉志**一夫之士十畷之宅三日之徭九均之賦

**揚子**七賦之所養注五穀桑麻

貢賦

易氏曰九賦與九職不同鄭氏皆以為民賦且援漢口率出泉之制王制不明不容不辨邦中之賦即載師廛里場圃蓋王城內外之地四郊之賦即載師宅田士田賈田官田牛田賞田牧田蓋六鄉百里之內而外距六遂之地也邦甸即公邑之田任甸地蓋距國中二百里六遂之餘地天子使吏治之也家削即家邑之田任稍地蓋距國中三百里大夫所食之采地也邦縣即小都之田任縣地蓋距國中四百里卿及王子弟之疏者所食之采地也邦都即大都之田任置地蓋距國中五百里公及王子弟之親者所食之采地也關市若與九職商賈同此則如司市所言市之征司關所言關門之征也山澤若與九職虞衡同此則如什人取金錫玉石角人取齒角之類也幣餘如職幣所言歛官府都鄙用邦財者之幣振掌事者之餘財也前六者皆任地之賦以其田賦之十一者取於民又於一分之中復以十一十二二十而三輸之於王後三者雖非任地然有司所掌利歸公上故亦謂之賦而繼於任地之後太府一職既有九賦之式又別有邦國及萬民之貢則九賦非任民之賦可知矣

周藉田法 周徹 井地大畧

國魯語季康子欲以田賦訪諸仲尼仲尼曰先王制

土藉田以力而砥其遠邇注藉田謂稅也以力謂二

十畝也六十賦里以入而量其有無注里謂田也為注荒注胡注氏注計財注商業注賈

所任力以夫而議其老幼注夫謂徭役也於是乎有鰥

寡孤疾有軍旅之出則征之無則已其歲收田一井

出穰禾秉芻年米不是過也先王以為足君子季孫

欲其法則有周公之藉矣注藉田之法也周左傳哀十

一年仲尼曰欲行而法則周公之典在論語學而

篇道千乘之國注馬曰司馬法六尺為步步百為畝

畝百為夫夫三為屋屋三為井井十為通通十為成

成出革車一乘千乘之賦其地千成居地方三百一

十六里有畸唯公侯之封乃能容之包曰古者井田

方里為井十井為乘百里之國適千乘也融依周禮

包依王制孟子顏淵篇有若曰盍徹乎鄭注周法

什一而稅謂之徹天下之通法詩公劉廣其濕原

徹田為糧箋云什一而稅謂之徹崧高徹申伯土

田箋云正井牧定賦稅正義孟子言周曰徹徹乃周

之稅法公劉夏時諸侯而言徹者召公以周之世上

論公劉以其俱是什一其名可以相通孟子滕文

公問爲國。孟子曰：周人百畝而徹，徹者徹也。詩云：雨我公田，遂及我私。惟助爲有公田。雖周亦助也。使畢戰問井地，古耕田。孟子曰：仁政必自經界始。經界不正，井地不鈞，穀祿不平。經界既正，分田制祿，可坐而定也。請野九一而助。國中什一使自賦，鄉以下必有圭田。圭田五十畝，餘夫二十五畝。方里而井，井九百畝，其中爲公田八家，皆私百畝，同養公田。此其大略也。注九一者，井田以九頃爲數而供什一，郊野之賦也。助，穀家稅名。周亦用之。龍子所謂莫善於助也。時諸侯不行助法。國中什一者，周禮園廩二十而稅一。時行重賦，責之什一也。孟子欲使野人如助法，什一而稅之。國中從其本賦二十而稅一，以寬之。集注曰：野郊外都鄙之地也。九一而助爲公田而行助法也。國中郊門之內鄉遂之地也。田不井授，但爲溝洫使什而自賦其一，蓋用貢法也。周之所謂徹法者，蓋如此。世祿嘗制之外，又有圭田以厚君子，百畝常制之外，又有餘夫之田以厚野人，公田以爲君子之祿，而私田野人之所受。先公後私，以別君子野人之分。上言野及國中二法，此獨詳於治野者。國中貢法當世已行，但取之過於什一爾。井地之法，諸侯皆去其籍。

此特其大畧而已。徹通也。均也。周制一天受田百畝。而與同溝共井之人通力合作。計畝均收。大率民得其九。公取其一。故謂之徹。

### 周禮稅法

載師注周稅輕近而重遠。近者多役也。疏異義第五。田稅。今春秋公羊說。十一而稅。周禮國中園廛之賦。二十而稅。一。近郊十而稅。一。遠郊二十而稅。三。有軍旅之歲。一井九夫百畝之賦。出禾二百四十斛。芻秉二百四十六。金米十六斗。案公羊十一稅。遠近無差。漢制收租。田有上中下。與周禮同義。鄭元之聞也。周

三十一

二〇〇

一

禮制稅法。輕近而重遠者。近者勞。遠者逸。故也。漢無授田之法。與周禮同義。未之思也。又周禮無云出禾芻秉金米之事。周禮稅法。據王畿公羊稅法。據諸侯邦國。諸侯邦國無遠近之差者。以其國地狹少。役賦事暇。左傳注。宣十年。周法。民耕百畝。公田十畝。借民力而治之。稅不過此。三禮義宗。周禮。天子畿內稅民之法有二。一曰貢。二曰賦。貢謂有職任而收其稅。賦者計其可任而口率其錢。諸侯貢稅。雖俱什一。而郊內郊外收籍不同。甫田正義。食貨志云。井方一里。是九夫。八家共之。各受私田百畝。公田十畝。是為

八百八十畝餘二十畝為廬舍其言取孟子為說而失其本旨班固既有此言由是群儒遂謬何休之注公羊范甯之解穀梁趙岐之注孟子宋均之說樂緯咸以為然皆義異於鄭理不可通何則言井九百畝其中為公田則中央百畝共為公田不得家取十畝也八家皆私百畝則百畝皆屬公矣何得復以二十畝為廬舍也言同養公田是八家共理公事何得家分十畝自治之也為廬舍則家別二畝半亦入私矣則家別私有百二畝半何得為八家皆私百畝也此皆諸儒之謬鄭於匠人注云野九夫而稅一此箋云

井稅一夫其田百畝歲取為稅斂之言十千即期限之數參之於司馬之書校之於一成之稅其數正允

箋云歲取十千於井田之法則一成之數也通十為成成方十里成稅百夫其田萬畝

### 魯稅畝 田賦

春秋宣公十五年秋初稅畝杜氏注公田之法十取其一今又履其餘畝復

十收其一故哀公曰二吾猶不足遂以為常故曰初左氏傳初稅畝非禮也

穀出不過藉以豐財也注周法民耕百畝公田十畝借民力而治之稅不過此

穀梁古者什一藉而不稅非公之去公田而履畝十

取一也注私得其什官稅其一故曰什一公羊譏始履畝而稅也古

者什一而藉什一者天下之中正什一行而頌聲作



矣。哀公十二年春用田賦。左傳注別其田及家財

各為一賦。公羊注田賦若今漢家歛民錢以田為率

禮稅民公田不過什一。軍賦十井不過一乘。胡氏傳

田以出粟為主而足食。賦以出軍為主而足兵。今用

田賦軍旅之征非矣。家語季氏以一井田出賦法

兵本賦而為甲左氏傳昭公四年九月鄭子產作

丘賦。注丘十六井當出馬一匹牛三頭。今子產則賦

其田如魯之田賦。服虔以為子產作丘賦賦此一丘

哀二年初周人與范氏田。公孫有稅馬。十一年夏

陳轅頰為司徒賦封田。注封內之田恐賦稅之

王制千里之內曰甸千里之外曰采。注甸謂服治田

出穀稅曰采九州之地內取其美物以當穀稅也。又

疏曰鄭荅臨頌云王畿方千里者凡九百萬夫之地

三分去一。定受田者三百萬夫。出都家之田以其餘

地之稅。祿無田者。

管子威公踐位十九年弛關市之征五十而取一。賦

祿以粟。案田而稅二歲而稅一。上年什取三。中年什

取二。下年什取一。歲飢不稅。歲飢弛而稅。

史記年表秦孝公十四年初為賦。秦有口賦。

漢筭賦

紀高帝四年八月初為筭賦注如淳曰漢儀注民年賦錢人百二十為一筭治庫兵車馬至五十五出

賦錢人百二十為一筭治庫兵車馬至五十五出五月注如淳曰御年二十三傳之疇官注如淳曰惠帝六

年冬十月令女子年十五以上至三十不嫁五筭注如淳曰

注如淳曰漢律人出一筭筭百二十錢注如淳曰賈捐之傳

孝文偃武行文民賦四十下男三年一事注如淳曰

注如淳曰賈山傳禮高年九十者注如淳曰

一子不事八十者二筭不事注如淳曰景紀二年冬十二月

令天下男子年二十始傳注如淳曰後二年五月詔今

皆筭十以上廼得官朕甚愆之注如淳曰皆筭四得官武

注如淳曰十筭十萬也賈人有財不得為吏注如淳曰皆筭四得官武

紀建元元年春二月赦天下年八十復二筭九十復

甲卒注如淳曰復甲卒不豫車卓之賦注如淳曰鹽鐵論御史曰今

陛下寬力役之政二十三始賦五十六而免注如淳曰賈捐

之傳孝武時民賦數百宣紀地節三年十月詔流

民還歸者且勿筭事注如淳曰甘露二年正月詔

減民筭三十注如淳曰成紀建始二年正月辛巳詔減

天下賦錢筭四十注如淳曰周禮注寬

疾若今癰不可事不筭卒可事者半之也注如淳曰大司徒注

老者謂若今八十九十復羨卒也注如淳曰賦口率

出泉也今之筭泉民或謂之賦此其舊名與關市山

澤謂占會百物幣餘謂占賣國中平恆皆末作當增賦者若今賈人倍筭矣大率注是錯傳秦之發卒

也死事之後不得一筭之復食貨志錯論貴粟曰

令民有車騎馬一匹者復卒三人如淳曰復三卒

夫不作甲卒也古曰當為卒者復其錢車騎天下武備故為

復卒西域傳征和中詔曰前有司奏欲益民賦

三十助邊用師古曰每口轉是重因老弱孤獨也當

今務在禁苛暴止擅賦文選王元長策秀才文充

都內之金注巨子新論曰漢宣已來百姓賦錢一歲

餘二十萬藏於都內

紀武帝元光六年冬初筭商車元狩四年冬初筭緡

錢千錢出元封元年登封詔四縣無出今年筭自博

至梁父昭帝元鳳二年六月令三輔太常郡得以

叔粟當賦後紀章帝元和元年二月甲戌募人耕

公田與田器勿收租五歲除筭三年二年正月乙酉

詔曰令云人有產子復勿筭三歲今復其夫勿筭一

歲高帝七年春民產子復勿事五歲後漢書

論漢法常以八月筭民漢儀注曰八月初為筭賦

漢田租

帝紀高帝元年四月留蕭何收巴蜀租給軍糧食一

年二月癸未蜀漢民給軍事勞若復勿租稅二歲除其賦十一年冬諸縣堅守者復租三歲惠帝高

十二年即位五月丙寅減田租復十五稅一漢節展曰文帝二年九月詔賜天下民今年田

租之半三年復晉陽中都民三歲租十二年三月詔賜農民今年租稅之半十三年六月詔曰農墮身從

事而有租稅之賦本末無以異其除田之租稅日李武帝元封元年除四縣民田租四年賜汾陰等三縣無出

今年租賦五年四月赦天下所幸縣無出今年租賦

昭帝始元二年詔毋令民出今歲田租宣帝本

始五年五月鳳皇集赦天下租稅勿收四年四月壬寅地震勿收租賦大赦神爵元年詔所過無出今年

田租甘露三年二月詔毋出今年租元帝初元元年夏四月詔曰關東今年穀不登毋出田租成帝

建始元年十二月郡國被災什四以上毋收田租食貨志高祖約法省禁輕田租十五而稅一量吏祿

度官用以賦於民文帝時是錯說上曰使天下人入粟於邊以受爵免罪邊食足支五歲可令入粟郡縣

只支一歲以上可時赦勿收農民租上從其言下

詔賜民十二年租稅之半。明年遂除田之租稅。後十三年孝景二年令民半出田租三十而稅一。武帝時董仲舒說曰：秦除井田，田租口賦鹽鐵之利二十倍於古。或耕豪民之田，見稅什五。漢興循而未改，宜限民名田。溝洫志元鼎六年上曰：今內史稻田租挈重，不與郡同。其議減注租挈收田租之約令也。列

傳貢禹上書以為令農夫已奉穀租，又出豪稅，鄉部私求不可勝供，宜除其租銖之律。師古曰：租，稅之法。皆依田口，不得雜

計百物之錄兩兒寬為左內史，以負租課殿當免民輸租。繚屬課更以最。何武弟顯家有市籍，租常不入縣。

數負其課。後紀光武建武六年十二月癸巳詔曰：

頃者師旅未解，用度不足，故行什一之稅。今軍士屯

田，糧儲差積，其令郡國以見田租三十稅一，如舊制。

二十二年令南陽勿收今年田租。中元元年四月己

卯改元，勿出今年田租。二年九月赦隴西，勿收今年

租調。明帝永平五年十月常山三老言於帝曰：上

生於元氏，願蒙優復。其復元氏田租更賦六歲。章

帝元和二年二月丙子復博奉高，羸無出今年田租。

芻橐。和帝永元六年三月庚寅復流民田租。安

帝元初元年十月乙卯詔除三輔三歲田租更賦口

葬 順帝永建元年十月甲辰令人半輸今年田租  
永平四年六年九年十二年十四年十六年元初  
元年延光元年三年永建元年三年六年永和三年  
延熹八年已上並勿收田租芻藁 禮司稼以年之  
上下出歛瀆注若今十傷二三實除減半

史記年表秦簡公七年初租禾秦作阿房收大半之賦

### 漢獻賦

帝紀高帝十一年二月詔曰欲省賦甚今獻未有程  
吏或多賦以為獻而諸侯王尤多民疾之令諸侯王  
通侯常以十月朝獻及郡各以其口數率人歲六十

三錢以給獻費 文帝元年六月令郡國無來獻施

惠天下諸侯四夷遠近歡洽後六年夏四月令諸侯  
無入貢 景帝後二年四月詔不受獻減太官省縣

賦 後紀安帝永初五年二月丁卯詔省減郡國貢  
獻 順帝永建四年五月桂陽獻大珠封以還之

隋志漢之常科土貢方物

漢軍賦 即軍賦

憲紀高二十年五月丙寅即位令吏六百石以上及  
故吏嘗佩將軍都尉印將兵及佩二千石官印者家  
唯給軍賦他無有所與 食貨志殷周之盛云云有

賦有稅稅謂公田什一及工商衡雲之入賦共車馬兵甲士徒之役秦頭會箕歛以供軍費

### 漢口賦

帝紀昭帝元鳳二年六月詔曰朕聞百姓未贍頗省乘輿馬及苑馬以補邊三輔傳馬其令郡國毋歛今年馬口錢相及三輔太常郡得以叔粟當賦四年春正月丁亥帝加元服母收四年五年口賦儀注民年儀注民年七歲至十四出口者武帝加口錢元平元年春二月詔減口賦錢有司奏請減什三上許之宣帝五鳳三年三月詔減天下口錢

四六

二二

用

為古民無賦筭口錢起武帝征伐四夷重賦於民產子三歲則出口錢故民重困至於生子輒殺甚可悲痛宜令兒七歲去齒乃出口錢年二十乃筭天子下其議令民產子七歲乃出口錢自此始後紀光武建武二十二年九月詔曰其口賦逋稅勿收責明帝永平九年春三月辛丑詔郡國死罪囚減罪與妻子詣五原朔方又復其口筭安帝永初四年正月辛卯詔三輔人庶流冗除三年逋租過更口筭芻橐元初元年十月乙卯詔除三輔三歲田租更賦口筭六年四月會稽除田租口賦建光元年十一月地震

貢賦

被灾甚者勿收口賦。順帝永建三年正月乙未詔勿收漢陽田租口賦。陽嘉元年三月京冀州貧民勿收更租口賦。永和三年春地震除今年田租尤甚者勿收口賦。食貨志董仲舒曰秦田租口賦鹽鐵之利二十倍於古。鹽鐵論文學曰今田雖三十而頃畝出稅加以口賦更繇之從率一人之作中分其功農夫悉其所得或假貸而益之。

漢更賦 繇賦

帝紀文帝二年十一月詔省繇費以便民。景帝後二年四月詔省繇賦。昭帝元鳳四年正月丁亥帝

三ツウ

二七二二二二二

加元服。三年以前逋更賦未入者皆勿收。注如淳曰更有三品有卒更有踐更有過更古者正卒無常人皆當迭為之一月一更是謂卒更也貧者欲得顧更錢次直者出錢顧之月二千是謂踐更也天下人皆直戍邊三日亦名為更律所謂繇戍也雖丞相子亦在戍邊之調不可人人自行三日戍又行者當自戍三日不可往便還因便住一歲一更諸不行者出錢三百入官官以給戍者是為過更也律說卒踐更者居也居更縣中五月乃更也後從尉律卒踐更一月休十一月也食貨志曰董仲舒月為更卒已復為正一



歲屯戍一歲力役三十倍於古此漢初因秦法而行之也董仲舒曰漢興循而未改謂更卒歲一月正卒

衛士材後遂改易有謫乃戍邊一歲耳逋未出更錢者官者也師古曰更卒謂給郡縣一月而更正卒謂給中

都官者元平元年二月詔減外縣霍光知時務之要輕繇薄賦與民休息宣帝五鳳四年正月以邊

塞亡寇減戍卒什二元帝永光三年冬用度不足民多復除無以給中外縣役百官表爵四不更言

豫更卒十二左更十三中更十四右更言主領更卒溝洫志河平元年卒治河者為著外縣六月注以

河有勞雖執役日近皆得比後二歲治河卒非受平賈者為著外縣六月注律說二千貫一

陽侯劉仁坐擅興繇賦削爵功臣表東茅侯劉到坐事國人過負免文十六年信武侯靳亭祝阿侯高

成文後三年坐事國人過律免列傳賈誼上疏淮南地遠者或數千里吏民繇役往來長安者自悉而補

中道衣敝錢用諸費稱此晁錯言今遠方之卒守塞一歲而更賈山言周用民力不過歲三日什一

而籍陛下減外徭衛卒霍去病率師征匈奴渾邪王降減隴西北地上郡戍卒之半以寬天下繇役史

文十三年除戌卒今吳王濞其居國以銅鹽故百姓無賦卒

踐更輒予平賈注師古曰謂庸宜也服虔曰當為更

卒出錢三百謂過更自行為卒謂踐更晉灼曰謂借

人自代為卒者官為出錢顧其時庸師古曰晉說是

卜式賜外縣四百人蘇林曰外縣謂之過更式歲得人

錢也十二萬段會宗為西域都護西域敬其威信三歲

更盡還更如海曰邊吏三歲一魏相河南卒戌中都

官者二三千人師古曰守若今衛士蓋寬饒衛卒數

千人願復留共更一年身為司隸子常步行自戌北

邊不取代翟方進綏和二年賜冊曰君一聽群下言用

度不足奏請一切增賦稅城郭垣及田園過更筭馬

牛羊谷永止諸繕治宮室闕更減賦盡休力役注更卒也

文翁為蜀郡守修起學官招下縣子弟為學官子

弟為除更繇循吏郭解陰請尉史曰是人吾所重

至踐更而脫之每至直更數過吏弗求注依王恭傳

漢氏減輕田租三十而稅一常有更賦罷癘咸出

貨殖傳農工商賈率歲萬息二千百萬之家即二十

萬而更繇租賦出其中史大事記高后五年初令

戌卒歲更詩曰昔我往矣揚柳依依今我來思雨雪

蒹秋時之戌期一年而更也補兵志更卒非正卒

也人直一月猶踐履而去若顧人爲之當隨其月緩急貴賤爲之直謂之平賈漢錢重不得定爲二千也若不直而入錢於官是爲更賦其畚上尉主之其不役而收其直謂之更賦更卒給郡國歲一月不役者官收其庸其輕重未詳唐法歲役二旬不役者收其庸曰三尺過更言三日之成過之即更猶更卒一月名踐更也非謂出錢入官乃名過更

**索隱**案姚氏

云古者更卒不過一月踐更五月而休又顏云五當爲三一歲之中三月居更三日戍邊摠九十三日此所謂一歲力役三十倍於古

**鹽鐵論**賢良曰古者

天子封畿千里縣役五百里無踰時之役

**後紀**光

武建武五年十二月詔復濟陽三年徭役

二十一年

十二月壬寅復六歲三十年又復六年正月章陵世

世復徭役比豐沛十三年文書調役務從簡寡

明

帝中元二年九月羌寇隴西發天水三千人復是歲

更賦顧更之錢永平五年冬十月復元氏田租更賦

六歲和帝永元六年三月庚寅詔流民還歸者復

一歲田租更賦安帝永初四年正月辛卯詔三輔

除三年逋租過更順帝永建五年四月辛巳詔郡

國貧人勿收今年過更永和四年八月癸丑以太原

旱民涖遣光祿大夫案行稟貸除更賦。虞詡傳永平章和中州縣以走卒錢給貸貧人。亦平伍伯之類令出資錢不役其身。仲長統傳昌言曰可為法制畫一定科租稅十一更賦如舊。板楯蠻夷傳程包對曰長吏鄉亭更賦至重。

漢海租 蠻夷租賦

食貨志五鳳中耿壽昌白增海租三倍蕭望之奏御史屬徐宮家在東萊言往年加海租魚不出武帝時縣官嘗自漁魚不出復予民魚乃出。平紀元始元年置少府海丞。師古曰主海稅馮唐傳魏尚守雲

三十八十五

中軍市租以給士卒。高五王傳主父偃曰齊臨菑

十萬戶市租千金。後漢傳秦置黔中郡漢改武陵

歲令大人輸布一匹小口二丈是為實布順帝永和

元年武陵太守上書以蠻夷率服可比漢人增租賦

尚書令虞詡奏增之必然叛帝不從其冬蠻爭貢布

非舊約遂叛秦惠王并巴中君長歲出賦二千一十

六錢二歲一出義賦千八百錢民戶出帛布八丈二

尺鷄羽三十錐漢興南郡守靳彊請依秦故事秦昭

王復板楯夷人頃田不租十妻不筭殺人以俵錢贖

高祖發夷人定三秦復渠帥七姓不輸租賦餘戶歲

入實錢口四十求平中鄭純與哀牢夷人約邑豪歲輸布貫頭衣二領鹽一斛為常賦禹貢蠻夷言貢而不言賦蓋荒服之地則異三壤什一之法所不及

齊戶調式

通典晉武帝平吳之後制戶調之式丁男之戶歲輸絹三匹綿三斤女及次丁男為戶者半輸其邊郡或三分之二遠者三分之一夷人輸實布戶一匹遠者一丈不課田者輸義米戶三斛遠者五斗極遠者輸筭錢二十八文成帝咸和五年始度百姓田取十分之一率畝稅米三升哀帝減田租畝收二升孝武太

元二年除度田收租之制公王以下口稅三斛八年又增稅米口五石志同

隋減賦役

食貨志隋初依周制役丁為十二番開皇三年減十二番每歲為三十日役減調絹一匹為二丈初蘇威父綽在西魏世以國用不足為稅法頗重歎曰今所為如張弓後之君子誰能弛乎威為納言奏減賦役從之

唐賦役法

紀武德二年二月十四日乙酉初定租庸調法會

要武德六年三月令每歲一造帳三年一造籍七年三月二十九日始定均田賦稅寶曆二年正月戶部侍郎崔元畧奏準賦役令云云  
六典唐賦役之制有四一曰租二曰調三曰役四曰田雜徭注開元二十三年以天下無事敕減諸司色役一十二萬一百九

十四嶺南諸州則稅米上戶一石二斗次戶八斗下戶六斗若夷獠之戶皆從半輸蕃胡內附者上戶丁稅錢十文次戶五文下戶免附經二年者上戶丁輸率二口次戶一口下戶三戶共一口食貨志唐授人以口分世業取之以租庸調之法凡授田丁歲輸

粟二斛稻三斛謂之租陸宣公奏議云丁男二石丁受田百畝歲納租粟二石

隨鄉所出歲輸絹二匹綾絕二丈布加五之一綿三兩麻三斤非蠶鄉則輸銀十四兩謂之調陸云每丁土所出歲輸綾若純共二丈綿三兩

其無蠶則輸布二丈五尺麻三斤用人力歲二十日閏加二日不役者日為絹三尺謂之庸有事而加

役二十日免調六典云旬有五曰免調會要租二石絹二丈綿三兩有事加役旬有五

有手實歲終具民之年與地闊狹為鄉帳鄉成於縣縣成於州州成於戶部又有計帳具來歲課役以報

度支國有所須先奏而歛水旱霜蝗耗十四者免租

桑麻盡者免調田耗十六者免租調耗十七者諸  
免凡新附之戶春以三月免役夏以六月免秋以  
九月課役皆免配租以斂獲早晚險易遠近為差庸  
調輸以八月發以九月同時輸者先遠民皆自槩量  
州府歲市土所為貢其價視絹之上下無過五十匹  
異物非有詔不獻有加配以代租賦元宗初立蠲徭  
役者給蠲符以流外及九品京官為蠲使歲再遣之  
開元八年正月二十日頒租庸調法于天下好不過  
精惡不至濫闊者一尺八寸長者四丈開元十六年  
會要十一月詔每三歲以九等定籍而庸調折租所取

一說六元

十一元

善

華好先是揚州和調以錢嶺南以米安南以絲益州  
以羅紬綾絹供春絲因詔江南亦以布代租中書令  
李林甫為長行旨以授朝集使二十四年戶部修長  
行旨條五卷以租庸丁防和糴春絲稅草無定法也

凡庸調租皆任土所宜州縣長官涖定麤良二十五  
年以江淮輸運有河洛之艱而關中蠶桑少菽粟賤  
命庸調皆以米凶年樂輸布絹亦從之河南北不通  
運州租皆為絹代關中庸調天寶五載詔貧者每鄉  
免三十丁租庸天下歲入租錢二百餘萬緡粟千九  
百八十餘萬斛調絹七百四十萬匹綿百八十餘萬

屯布千三十五萬餘端肅宗初第五琦請於江淮置

租庸使使并倫為荆襄道租庸二百萬緡吳鹽蜀麻銅冶皆有稅

廣德元年詔戶三丁免一丁凡畝稅二升大曆元年天下

苗一畝稅錢十五號青苗錢又地頭錢每畝二十上

都秋稅分二等五年始定法夏上田畝稅六升秋上

田畝稅五升青苗錢畝加倍陸贄疏云國家賦役之

法曰租曰調曰庸其取法遠其歛財均其域人固有

田則有租有家則有調有身則有庸天下為家法制

均一雖轉徙莫容其茲故人無搖心天寶之季海內

波蕩版圖隳於避地賦法壞於奉軍賦役舊法行之

百年人以為便兵興供億不常誅求隳制此時弊非

法弊也非力所出則不征非土所有則不貢

### 唐十道貢賦

六典戶部郎中凡天下十道任土所出而為貢賦之

差志云掌戶口土曰賦役貢獻舊額貢賦多非土

條率以為定準開元二十年敕令中書門下對朝集使隨便

非通漕州皆調絹關輔寡蠶詔納米粟其河南河北

貢物至者州府一百五十六部奏地理志太宗因山

川形便分天下為十道一曰關內道厥賦絹綿布麻

厥貢毛羽革角布席弓刀二曰河南道厥賦絹綿

布厥貢絲布葛席埏埴盎缶三曰河東道厥賦布繡



厥貢布席豹尾熊皮鷗羽石典麝參蠟四曰河北道

厥賦絲綃厥貢羅綾紬紗鳳翽葦席五曰山南道厥

賦金絲紵漆麝穀綾六曰隴右道厥賦布麻厥貢

金屑礪石鳥獸革角七曰淮南道厥賦綃絕綿布厥

貢絲布紵葛六典揚州貢青銅鏡八曰江南道厥賦麻紵厥貢

金銀紗綾蕉葛綿練鮫革藤紙丹沙九曰劔南道厥

賦綃綿葛紵厥貢金布絲葛羅綾綿紬矜角犛尾十

曰嶺南道厥賦蕉紵落麻厥貢金銀孔翠犀象綵藤

竹布 **百官志**度支掌天下租賦物產豐約之宜水

陸道涂之利歲計所出而支調之以近及遠太府卿凡

三十九

四方貢賦百官俸秩謹其出納賦物任土所出定精

麤之差丞四人元日冬至以方物陳于庭者受而進

之元和十二年十二月淮而申光蔡等州貢物左藏

令掌天下賦調卿及御史監閱 **張廷珪傳**景龍中

詔河南北兩道蠶產所宜雖水旱得以蠶析免廷珪

謂股肱走集安可殫其力願依正觀永徽故事準令

折免詔可 **崔衍傳**遷宣歙池觀察使宣歙舊貢金

錫凡十品皆倍直市于它州衍蠲革之 **通典**按

令文諸郡貢獻皆盡當土所出準綃為價多不過五

並以官物充市所貢至薄其物易供

唐停歲貢 省貢獻

紀永徽六年十一月戊子停諸州貢珠儀鳳三年十月丙申停劔南隴右歲貢開耀元年正月己亥省諸方貢獻開元二年七月乙未焚錦繡珠玉于前殿戊戌禁乘珠玉廢織錦坊大曆十四年閏五月丙子德宗罷諸州府及新羅渤海貢鷹鷄戊寅罷山南貢枇杷江南柑橘非供宗廟者辛巳罷邕府歲貢奴婢琴未罷劔南貢生春酒丙戌罷獻祥瑞貢器以金銀飾者還之六月己亥減乘輿服御己未罷揚州路貢鏡幽州貢麝十月戊午罷九成宮貢立獸炭襄州蔗蒟

四百廿

上海卷之三

三二二

工元和四年閏月己酉禁刺史境內權率諸道旨條外進獻大中九年七月庚申罷淮南宣歙浙西冬至元日常貢以代下戶租稅 順宗罷鹽鐵使月進

唐兩稅法

德宗紀建中元年二月丙申初定兩稅舊紀遺點陟使分行天下

食貨志租庸調之法以人丁為本自開元後天下戶

籍久不更造丁口轉死田畝貿易貧富升降不實其

後國家侈費無節而大盜起兵興財用益屈而租庸

調法弊壞欽一本云折在賦欽迫趣目色目民富者丁

多戶變為官為僧以免課役而貧者丁多者無所伏匿故

自代宗時始以畝定稅而歛以夏秋至德宗相楊炎遂作兩稅法夏輸無過六月秋輸無過十一月置兩

稅使以總之建中三年八月初分置汴東西水陸運

之分爲量出制入戶無主客以居者爲簿人無丁中以

貧富爲差商賈稅三十之一與居者均役田稅視大

曆十四年墾田之數爲定遣黜陟之使按比諸道丁

產等級免鰥寡孤獨不濟者敢有加歛以枉法論議

者以租庸調高祖太宗之法也不可輕改德宗方

信用炎不疑舊戶二百八十萬五千使者按比得主

戶三百萬客戶三十萬自是人不上斷而地著賦不

加歛而增入版籍不造而得其虛實吏不戒而奸無

所取歲歛錢二千五十餘萬緡米四百萬斛以供外

錢九百五十餘萬緡米一千六百餘萬斛以供京師

稅法旣行民力未及寬而朱滔王武俊田悅合從而

叛用益不給通典建中初分命黜陟使往諸道收

戶口及錢穀名數每歲天下共歛三十餘萬貫千五

貫供外費九百五十稅米麥千六百餘萬石供京師千

外費會要天曆四年正月十八日敕王公已下宜

佳度支長行旨條稅錢上上戶四千下下戶百其

見在官一品准上上戶稅九品准下下戶稅

詔

天下之賦一青一錢一鈔一十有五頭以國用急不及秋方苗青苗  
錢又詔上五都秋始分二法夏上田畝稅六升下田四升  
一秋上而地頭錢不在焉三升荒田如故青苗錢初  
苗稅青

建中元年正月五日辛未遣黜陟使與觀察使

及刺史轉運所由計百姓及客等約丁產定等第均  
率作年支兩稅如當處土風不便更立一限其比來  
徵科色目一切俱罷二月十一日丙申仍與觀察使  
刺史計人產等級為兩稅法此外歛者以枉法論八  
月宰相楊炎上疏奏曰至德之後軍國之用仰給於  
度支轉運二使四方征鎮又自給於節度團練使朝

二法未一三

廷不能覆諸使諸司不能覆諸州四方貢獻悉入內

庫今請作兩稅法以一其名三年五月初加稅時淮  
南節度陳少游請於當道兩稅錢每一千加稅二百  
度支因請諸道悉加之正元八年四月劍南西川觀  
察使韋臯奏請加稅什二以增給官吏從之志正

元四年詔天下兩稅審等第高下三年一定戶度支  
稅物頒諸司皆增本價為虛估謂之折納復有進奉  
宣索召顧和市比大曆之數再倍陸贄請釐革其甚  
害者大畧有六國家賦役之法此時弊非法弊也兩  
稅新制取大曆中一年科率多者為兩稅定法此采

非法之權。今以爲經制。總無名之暴賦。而立常規也。兩稅以資產爲宗。不以丁身爲本。資產少者稅輕。多者稅重。計估筭緡。失平長僞。挾輕貲轉徙者。脫徭稅。薦本業者。困斂求。此誘之爲姦。毆之避役。一曰請。每道以知兩稅判官一人。與度支參計戶數量。土地肥瘠物產多少。爲二等。二曰復庸。調舊制。隨土所宜。三曰租。以去歲輸數爲常。罷據額所率者。增闢勿益。租廢耕不降數。四曰蠶事。方興而輸。縑農功未艾而斂。穀宜定稅。期隨風俗時候。五曰時稔。則庶糴。小歉則借貸。六曰爲占田條限。事無施行者。憲宗罷除官受

代進奉。及諸道兩稅外。權分天下之賦。以爲三。一曰上供。二曰送使。三曰留州。元和四年十二月。宰相裴垪。又令諸道節度觀察。調費取於所治州。不足則取於屬州。而屬州送使之餘。與其上供者。皆輸度支。穆宗即位。罷諸道貢獻。自建中定兩稅。而物輕錢重。民以爲患。至是四十年。爲絹二疋半者。爲八匹。率加三倍。元和十五年閏正月十七日。詔百官議革弊。戶部尚書楊於陵曰。宜使天下兩稅。權酒鹽利。上供及留州。送使錢。悉輸以布帛。穀粟宰相善其議。元和十五年八月。由是兩稅上供留州。皆易以布帛。絲纊租庸。

課不計錢而納布帛唯鹽酒計錢長慶元年正月詔  
河北諸道均定兩稅九月詔兩稅皆輸布絲纈

會

要元和四年六月詔兩稅法不定物估爰命帖職周  
視四方以揚子鹽鐵留後為江淮已南兩稅使江陵  
留後為荆衡漢沔東界彭蠡南及日南兩稅使度支  
山南西道分巡院官充三川兩稅使收復淄青十二  
州命諫議大夫王彥威為兩稅使七年七月荆南荆  
江東道兩稅使崔俊程昇以入計叙勞

顧少連傳

改京兆尹先是京畿租賦薄厚不能一少連以法均  
之

李翱傳條興復太平大畧曰改稅法不督錢而  
納布帛翱為平賦書一篇

獨孤及集為舒州刺史

作口賦法處士楊賁以書譏之

後周顯德三年十月立二稅限夏以六月秋以十月

唐平賦書

文粹李翱平賦書序云人皆知重歛之可以得財不  
知輕歛之得財愈多取可行於當時者為平賦書而什  
一之法存焉凡為天下者眡千里之都為千里之都  
者眡百里之州為百里之州者起於百里之田

開寶均定稅額

三年四月己卯詔兩稅折科非土所宜毋得抑配九

年正月遣太常丞魏咸熙均定開封屬縣三等戶稅額至道元年六月己卯令諸州重造兩稅版簿頒其式于天下祥符四年七月壬申朔免南方民丁身錢至和元年九月詔滄州均田稅民或未便其令復輸如舊嘉祐五年四月丙戌詔均天下田稅命三司使包拯等詳定高本以為不可均復罷六月丙寅張掞同詳定六年五月丁酉呂景初同詳定會要凡租稅穀帛金鐵物產為四類穀之品七帛之品十金鐵之品四物產之品六通畧自郭諮均稅之法罷論者謂朝廷徒卹一時之勞而失經遠之慮至皇祐中

天下墾田視景德增四十萬頃而歲入穀廩減七十萬石初慶曆中三司言先於淮南亳壽京西蔡汝州如方田法均之於是京西遣郭諮既而中止至是復遣孫琳等五人分往均田三司置局居簡戶部副使吳中復詳定其後雖因古法稍均數

郡田於天下不能盡行張友平曰景德以前天下財利所入茶鹽酒稅歲課一千五百餘萬緡未聞加賦於民而調度克集慶曆以後財利之入三倍前朝諸鑪歲課上下百萬緡歲入茶鹽酒稅雜利僅五十萬緡而惟日不足

景德定土貢

四年閏五月戊辰詔曰任土貢輸雖存舊典經途遐邈亦念重勞三司所定劍隴等三十九州軍所貢土物並從蠲減夔賀等二十七州軍悉罷所貢每歲正旦止具表以聞明道二年六月戊午減天下歲貢物治平四年四月二十四日神宗詔罷諸道貢之物

天聖減畿內民租

九年正月辛未減畿內民租志仁宗嗣位首寬畿

縣田賦慶曆中患賦役之煩詔下諸路上其數俾大

臣議蠲減

宋朝五賦

國史志歲賦其類有五曰公田之賦官莊屯營田賦

民耕而收其租曰民田之賦百姓各得專之曰城郭

之賦宅稅地稅之類曰雜變之賦牛革蘇塩食益之類

類隨其所出變而輸之曰丁口之賦計丁率米凡賦

入州縣有籍歲一置謂之空行簿以待歲中催科閏

年別置謂之實行簿藏有司天聖初或言實行簿無

用罷之景祐元年韓瀆疏言賦輿之繁但存催科一

簿一有散亡耗登無從考請復置實行簿詔再閏一



造慶曆中王素言田賦輕重不等請均定歐陽脩言孫琳嘗往肥鄉與郭諮以千步方田法括定名田願召二人者三司請於堯壽蔡汝四州擇尤不均者均之遣諮蔡州諮首括一縣得田二萬六千九百三十餘頃均賦於民州縣未可盡括朝廷重勞人遂罷嘉祐五年復詔均定遣官分行諸路纔均數郡而已田賦之外佐縣官之用者有山澤之貨關市之征酒麴之入仁宗在位有司言利者多擯不取聞民有疾苦雖厚利舍之無所愛貢獻珍異故事有者或罷之山林川澤陂地之利久與民共者屢敕有司毋輒禁止

易之小蓄德之小也則曰富以其鄰泰與謙道之大也皆曰不富以其鄰剝始於下其象曰上以厚下安宅所以救剝也

玉海卷第一百八十

浚儀王應麟伯厚甫

食貨

錢幣

太玄經曰古者寶龜而貨貝自虞以上後世君子易之以金幣自夏以下通典曰夏商以前幣為三品太公立九府圜法周景以母子相權秦為上下二等漢為八銖莢錢白金赤仄八銖五分王莽又為數十品公孫述始作鐵錢魏文毅帛相貿劉備以一當百孫權以一當千理道陵夷有鵝眼錢環之別王綱解細有風飄水浮之異

虞夏三品幣

通典自神農列鄠於國以聚貨帛日中為市以交有無虞夏商之幣史無商字金為三品或黃或白或赤或錢或刀或布或龜貝史記平準書虞夏之幣金為三品或黃或白或赤索隱金銀銅也國語注賈侍中

云虞夏商周金幣三等黃為上幣銅鐵為下幣後

魏任城王澄傳言夏殷之政九州貢金以定五品周

仍其舊列星圖天錢十星在北落西

禹湯金幣

管子山權數篇輕重八湯以莊山之金鑄幣禹以歷

山之金鑄幣而贖民之無檀賣子者地數篇山銅之

山四百六十七史記殷紀鹿臺之錢鹽鐵論大

夫曰禹以歷山之金湯以嚴山之銅鑄幣天下稱仁

後魏史高謙之表曰堯遭大水以歷山之金鑄錢

救民

周上中下幣武王國策

管子地數篇輕重十威公問曰以天財地利立功成

名於天下者誰子也管子曰文武是也夫玉起於禺

氏金起於汝漢珠起於赤野此皆距周七千八百里

其涂遠而至難故先王各用於其重珠玉為上幣黃

金為中幣刀布為下幣令疾則黃金重令徐則黃金

輕先王權度其號令之徐疾高下其中幣而制上下

之用則文武是也輕重乙篇武王問於癸度癸度

對曰吾國衡處之國也苟入吾國之粟因吾國之幣

然後載黃金而出故君請重重而衡輕輕運物而相

因則國策可成武王曰行事奈何癸度曰金出於汝

漢之右衢珠出於赤野之末光玉出於禺氏之卑山

因以珠玉為上幣餘與上同

### 周九府圜法

漢志太公為周立九府圜法黃金方寸重一斤錢圓

函方荀悅曰外方圓內方輕重以銖布帛廣二尺二寸為幅長

四丈為匹故貨寶於金利於刀流於泉布於布束於

帛太公退又行之於齊注師古曰太府玉府內府外

府泉府天府職內職金職幣曰九府圜謂均而通也

後魏書熙平初任城王澄上言太公立九府之法

於是國貨始行定銖兩之楷齊威循用以霸諸侯及

秦始皇漢文遂有輕重之異唐會要崔沔議曰太公

之創九府將以貧殷人賈生之陳七福規於更漢令

如乙鼓于蒞歷姬姜均于九府

鄭樵曰謂之泉者言其形金言其質刀言其器貨布

言其用古文錢字作泉者言其形如泉文一變而為

刀器再變而為圜法自圜法流通於世民實便之故

泉與刀為廢後人不曉其謂觀古錢其形即篆泉文

後世代以錢字故泉之文借為泉水之泉其實泉之

篆文下體不從水也先儒不知本末為流於泉布於

布寶於金利於刀皆泐鑿之義

周泉府 泉二品 邦布 周六幣見圭璧

禮天官外府中士掌邦布之入出以共百物而待邦

之用注布泉也其藏曰泉其行曰布泉始蓋一品周

錢幣

景王鑄大泉而有二品後數變易不復識本制至漢

唯有五銖久行王莽作泉布多至十品疏泉始蓋二品

者即此經泉布是也莽之大泉與景王所鑄大泉

異韋昭注國語曰單穆公云古者有母權子而行則

**地官泉府**人上士四人中士八人掌以市之征布歛市

之不售貨之滯於民用者司市下士八人上士

士十有以商賈阜貨而行布以泉府同貨而歛賒

廛人掌歛市歛布總布質布罰布廛布而入于泉府

注布泉也歛布列肆之稅布總玄謂讀如布謂守斗

斛銓衡之稅質布質人之所罰犯質劑者之泉罰布

犯市令者之泉廛布貨賄諸物邸舍之稅

錯幣第四大夫曰教與俗改幣與世易夏后以元貝

周人以紫石後世或金錢刀布

**說文**古者貨貝而

寶龜周而有泉秦廢貝行錢宋沈演之以為龜貝行

**管子**威公曰何謂藏於民請散棧室之錢散諸城

陽鹿臺之布散諸濟陰

泉之興蓋自燧人氏

以輕重為天下至黃帝成周其法寢具泉取水泉流

**周大錢寶貨**

**漢食貨志**景王患錢輕將更鑄大錢古曰泉後單穆

公曰不可古者天降災戾於是量資幣權輕重以救

民患輕則爲之作重幣以行之重曰子母於是子母權

子而行民皆得焉若不堪重則多作輕而行之下

廢重於是乎有子權母而行大小利之今王廢輕而

作重民失其資能無匱乎民若匱王將用有所乏之

將厚取於民民不給將有遠志是離民也且絕民用

以實王府猶塞川源而爲潢洿也竭亡日矣王其圖

之弗聽鑄大錢文曰寶貨肉好皆有周郭以勸農澹

不足百姓蒙利國語景王二十一年魯昭之十八

年也云云注韋昭曰或云文曰寶貨皆非事實周名

泉爲錢劉秩曰錢以平輕重權本末齊威

得其術而國以朝周景失其道而不用威

齊鑄錢 管子九府書

管子輕重戊管子令威公與民通輕重令左司伯公

將白徒鑄錢於莊山令中大夫載錢二十萬求生鹿

於楚史記吾讀管氏輕重九府見府庫類

楚三錢府

史記越世家楚王赦常封三錢之府注金幣三等也

孫叔敖傳莊王以爲幣輕更以小爲大百姓不便

皆去其業市令言之相後五日朝相言之王請旨

故王許之下令三日而市復如故

蘇秦傳秦之燕貸人百錢爲資及富貴以百金償之

呂氏春秋趙宣孟見餓人興錢百而遂去之

漢英錢 八銖 五分 四銖錢

食貨志秦兼天下始六年幣為二等黃金以溢為

上幣注孟康曰二十兩為益此尚秦制也周上幣者

等之中黃金為銅錢質如周錢古分重十文曰

半兩重如其文而珠玉龜貝銀錫之屬為器飾寶藏

不為幣然各隨時而輕重無常漢興以為秦錢重難

用更令民鑄英錢注如淳曰伏如榆英曰重三銖文黃

金一斤注復周制孝文五年為錢益多而輕乃更鑄四

銖錢其文為半兩除盜鑄錢令使民放鑄賈誼諫曰

銅布於天下其為禍博矣今博禍可除而七福可致

也銅見新書黥罪不積一矣偽錢不蓄民不相疑二矣

采銅鑄作者反於耕田三矣上挾銅積日御輕重貨

物必平四矣作兵器假貴臣多少有制五矣臨萬貨

調盈虛收奇羨六矣制吾棄財與凶奴逐爭其民七

矣退七福行博禍臣誠傷之上不聽是時吳即山壽

錢富埒天子鄧通鑄錢財過王者故吳鄧錢布天下

文帝賜鄧通蜀嚴道銅山得紀高后二年七月

八銖錢文應劭曰本秦錢質如其大重更鑄英錢今民間

名榆莢錢是也民患其太六年六月行五分錢應劭

錢幣

錢謂英文帝五年夏四月除盜鑄錢令應劭曰聽更造

四銖錢文應劭曰文帝今以五分錢兩太輕最輕少銖錢

景帝中六年十二月定鑄錢律應劭曰文五年未除

賈山傳上疏諫以為富貴人主之操柄令民為之是

與人主共操柄不可長也其後復禁鑄錢云惠紀

注晉灼曰食貨志黃金一斤直萬錢古曰諸賜言

黃金者皆與之金不言黃者一金與萬錢也

史記秦惠王二年初行錢始皇三十七年復行錢

不準書秦中一國之幣為三等後南蠻傳秦昭襄

王時巴郡閬中夷人得以俵錢贖死高祖為漢王發

夷人伐三秦復漢三仲七姓餘戶乃歲入寶錢口四

十楚漢春秋項梁鑄大錢

漢三銖錢 白金 皮幣

武紀建元元年春二月行三銖錢注新壞五

年春罷三銖錢行半兩注又新元狩四年冬有司關

東貧民徙隴西北地西河上郡會稽凡七十二萬

千口縣官衣食振業用度不足請收銀錫造白金及

皮幣以足用初筭緡錢管子曰威公朝賀獻此

皮銀錫為六年六月詔曰日者有司以幣輕多姦農

傷末眾故改幣以約之注李琦更去半稽諸往古

錢幣



制宜於今廢期有日而山澤之民未諭遣博士大等  
六人循行天下 **王子侯表** 建武侯拾元鼎一年坐  
使行人奉璧皮薦賀元年十月不會免 **志武帝**

狩間山東被水災民多飢乏天子遣使虛郡國倉廩  
以振貧猶不足富商賈或埽財役貧轉轂百數廢居  
居邑封君子皆氏首仰給焉冶鑄鑿鹽財或累萬金  
而不佐公家之急黎民重困於是天子與公卿議更  
造錢幣以澹用而摧浮淫并兼之徒是時禁苑有白  
鹿而少府多銀錫自孝文更造四銖錢至是歲四十  
餘年從建元以來用少縣官徃徃即多銅山而鑄錢

三說卷百一

一

民亦盜鑄不可勝數錢益多而輕物益少而貴有司  
言曰古者皮幣諸侯以聘享金有三等黃金為上白  
金為中赤金為下 陽銅也丹今半兩錢法重四銖而姦  
或盜摩錢質而取鉛民西京黃圖叙曰錢益輕薄而物  
賢則遠方用幣煩費不省乃以白鹿皮方尺緣以續  
為皮幣直四十萬王侯宗室朝覲聘享必以皮幣焉  
璧然後得行又造銀錫白金以為天用莫若龍地用  
莫若馬人用莫如龜故白金三品其一曰重八兩  
之其文龍名白撰直三千二曰以重差小方之其文  
馬直五百三曰復小楨之 音他其文龜直三百令縣

錢幣

官銷半兩錢更鑄三銖錢重如其文盜鑄者金錢罪皆死而吏民之犯者不可勝數上與湯既造半兩錢幣問顏異異曰今王侯朝賀以倉壁直數千而其月薦反四十萬本末不相稱天子不說

漢五銖錢

**志**更鑄三銖錢其明年大將軍票騎大出擊胡賞賜五十萬金軍馬死者十餘萬匹轉漕車甲之費不與焉是時財匱戰士頗不得祿矣有司言三銖錢輕輕錢易作姦詐廼更請郡國鑄五銖錢周郎其質令不可得摩取鉛然自造白金五銖錢後五歲而赦吏民

之坐盜鑄金錢死者數十萬人其不發覺相殺者不可勝計不赦自出者百餘萬人然不能半自出天下大抵無慮皆鑄金錢矣 **武紀**元狩五年春三月行

五銖錢罷半兩錢

志元狩四年冬又鑄三銖錢今乃罷三銖而行五銖也

列

**傳**張湯遷御史大夫會渾邪等降山京流徙皆印給

縣官湯承上指請造白金及五銖錢籠天下鹽鐵以

告緡令 汲黯免官隱於田園會更立五銖錢民多

盜鑄楚地尤甚召拜淮陽太守 義縱為定襄太守

更五銖錢白金起民為姦以縱為右內史

漢赤反 上林三官錢 後漢五銖錢

魏五銖錢

志天子既下緡錢令而尊卜式百姓終莫分子在系

官於是告緡錢縱矣郡國鑄錢民多姦鑄錢多輕而

公卿請令京師鑄官赤反注應劭曰所謂子或作款如淳曰以緡錢也

為其郭今錢郭見有赤者不知作法云何元鼎元年鑄錢屬少府平準書曰鑄鍾官赤側元

一當五賦官用非赤反不得行白金稍賤民弗寶用

大事記元鼎二年縣官以今禁之無益歲餘終廢不

行是歲湯死而民不思史紀元鼎二年冬十一月御其

後二歲元鼎四年赤反錢賤民巧法用之不便又廢於是

悉禁郡國毋鑄錢專令上林三官鑄錢通鑑元鼎二年三月

三漢書卷之二十一

既多而今天下非三官錢不得行諸郡國前所鑄錢

皆廢銷之輸入其銅三官而民之鑄錢益少計其費

不能相當惟真工大姦乃盜為之蓋鐵論曰幣數易而民益疑於是廢

天下諸錢而專命水衡三官作自元狩五年三官初鑄五銖錢至平

帝元始中成錢二百八十億萬餘云百官表水衡

屬官有上林均輸鍾官辨銅令丞元鼎二年初置

然則上林三官其是此三令乎功臣表蒯成侯周仲居元鼎三年

坐為太常收赤側錢不收全為城旦曲成侯蟲

元鼎二年為汝南太守不用赤側錢為賦為鬼新

黃禹傳元帝時言古者不以金錢為幣專意於農今

漢家鑄錢取銅鐵一歲十萬人不耕自五銖錢起七十餘年民坐盜鑄陷刑者衆富人積錢滿屋二采足民心動搖商賈求利而不出租稅故民弃本逐末窮則起爲盜賊何者末利深而惑於錢姦邪不可禁其原皆起於錢宜罷采珠玉金銀鑄錢之官亡復以爲幣除其租銖之律租稅祿賜皆以布帛及穀議不從

**師丹傳**

哀帝時有上書言古以龜貝爲貨今以

錢易之民貧宜改幣上問丹丹對可改有司以行錢久難卒變易

**志**

王莽變漢制更造大錢徑寸二分

重十二銖文曰大錢五十又造契刀長二寸文曰契

三海卷百一十

刀五百錯刀文曰一刀直五千與五銖錢凡四品並

行以書劉字有金刀乃罷錯刀契刀及五銖更作金

銀龜貝錢布之品名曰寶貨錢貨六品小錢直一公

錢十幼錢二十中錢三十壯錢四十大錢五十銀貨

二品龜寶四品貝貨五品布貨十品凡寶貨五物六

名二十八品置錢府丞一人天鳳元年改作貨布貨

泉二品並行民坐按銅炭沒入鍾官數世祖受命盪

滌煩苛復五銖錢與天下更始後公孫述傳更

銅錢置鐵官錢以鑄錢官童謡曰黃牛白腹五銖當復

光武紀建武十六年復五銖錢列傳馬援在隴

錢幣

西上書言宜如舊鑄五銖錢事下三府以為不可許

及入為虎賁中郎將求前奏難十餘條隨牒東

記凡十三難帝從之天下賴其便朱暉元和中為

尚書僕射時穀貴縣官經用不足尚書張林言穀貴

由錢賤可盡封錢一取布帛為租暉奏林言不可施

行劉陶游太學咸帝時永壽三年夏或言改鑄大錢事

下四府群僚及太學能言之士陶議曰伏讀鑄錢之

詔平輕重之議當今憂不在貨在乎民飢蓋民可百

年無貨不可一朝有飢議者不達農殖之本多言鑄

冶之便或欲因緣行詐以賈國利國利將盡取者爭

王法者百八十

競造鑄之端生萬人鑄之一人奪之猶不能給况一

人鑄之萬人奪之乎欲民殷財阜要在止役禁奪則

百姓不勞而足帝竟不鑄紀靈帝中平三年鑄四

出文錢獻帝初平元年董卓壞五銖更鑄小錢曹

公罷之還用五銖

第五倫傳長安鑄錢多姦巧京兆尹以倫為督鑄錢

掾領長安市鍾離意傳詔班賜群臣更以庫錢三

十萬賜意

漢少府禁錢

百官表少府注應劭曰名曰禁錢以給私養自別為

錢幣

藏。賈捐之傳議弃珠玉竊以往者。羌軍言之。暴師曾米一年。兵出不踰千里。費四十餘萬。大司農錢盡。廼以少府禁錢續之。食貨志武帝時。胡降者數萬人。皆得厚賞。縣官不給。天子乃損膳。解乘輿。駟出御府。禁臧以澹之。

漢水衡錢

表水衡都尉掌上林苑。屬官有上林鑄官。注鍾官主鑄錢官。一志上林三官鑄錢。楊可告緡錢。上林財物衆。乃令水衡主上林。宣紀本始二年春。以水衡錢為平陵徙民起第宅。王嘉傳奏封事曰。元帝溫恭。

少欲。都內錢四十萬。萬水衡錢四十五萬。萬少府錢十八萬。萬常幸上林。獸圈猛獸出。馮貴人前當之。賜錢五萬。賞賜節約。是時外戚貲千萬者少。故少府水衡見錢多也。注應劭曰。水衡與少府皆天子私藏。

漢都內錢

食貨志武帝時。延募豪民田南夷。入粟縣官。而內受錢於都內。師古曰。都內。京師主藏者也。恩澤侯表本始二年。田

延年為大司農。盜都內錢三千萬。如淳曰。天子錢藏中。都內。又曰。大內。

百官表。治粟內史屬官有都內。中興省。都內。今歸補。

列傳張安世辭祿。詔都內別戚張氏無名錢。以百萬

數。賈捐之對武帝元狩六年都內之錢貫萬而不  
可校。王嘉奏曰元帝温恭少欲都內錢四十萬為  
淮南王安書越人名為潘臣貢酎之奉不輸大內。  
應劭曰大內都內也。國家寶藏也。文選注巨子新論曰漢宣已來  
百姓賦錢一歲餘二十萬藏於都內。又見前。  
後漢紀威帝延熹五年十月辛丑換王侯租以助軍  
糧出濯龍中藏錢還之。

漢錢官 銅六

史記北軍有錢官。地理志丹陽郡有銅官。鐵官長丞五十  
有一而專其官以主丹陽之銅。雋邛都南山出銅捷為朱提山出

卷一百一

十四

銀益州德山出銅石空山出錫町山出銀鈔北采山  
出錫西羊山出銀鈔南烏山出錫從陲山出銅常山  
蒲吾有鐵山豫章鄱陽有黃金采。采取金鹽鐵論

大夫曰丹章有金銅之山。史記章山之銅吳有豫章郡銅山

山海經禹曰天下名山五千三百七十出銅之山四

百六十出鐵之山三千六百九十。管子地之東西二

萬六千里其出水者八千里受水者八千里出銅之山四百六十七出鐵之山三千六百九

錢官漢氏初屬少府後屬水衡後漢屬司農。晉以

下或屬少府或屬司農。漢鐵官長丞五十有一而

專其官以主丹陽之銅唐諸道置鑪九十有九而重

錢官

其使以總江淮之鐵

淮陽荆衡之壤厥貢二品會稽

具區之珍其利金錫

### 魏五銖錢

魏志文帝黃初二年三月初復五銖十月以穀貴罷五銖使民以穀帛相貿明帝太和元年司馬芝議用錢豐國省刑四月乙亥復行五銖錢至晉用之韓暨為監冶謁者舊時冶作馬排每一熟石用馬百匹更人排又費功力暨乃因長流為水排利益三倍加司金都尉班亞九卿蜀志張裔為司金中郎將典作農戰之器南齊崔祖思云劉備取帳鉤銅鑄錢以

### 充國用

齊建元四年孔覲上議曰自漢鑄五銖錢至宋文帝歷五百餘年制度有廢興而不變五銖者明其輕重可法得貨之宜也漢建安十九年先主用劉巴之言以一當百孫權嘉禾五年春鑄大錢以一當五百赤烏元年春鑄一當千大錢晉元帝過江用赤烏錢錢輕重雜行大者比輪小者四文沈充鑄小錢謂之沈郎錢安帝元興中議欲廢錢用穀孔琳之以為救弊之術無取於廢錢議遂不行前涼張軌參軍索輔言於軌曰二漢制五銖錢通易不滯晉太始中河西



荒廢遂不用錢今宜復五銖以濟通變之會。既納之錢遂行人賴其利。

宋四銖 梁五銖 後魏五銖 隋五銖

宋志文帝元嘉七年十月戊午鑄四銖重如其文人

盜鑄多剪鑿取銅帝患之江夏王義恭建議以一大

錢當兩以防穿鑿二十二年何尚之議曰泉貝之興事在

交易數少則幣輕數多則物重多少銖異濟用不殊

以一當兩徒崇虛價沈演之以為以大錢當兩則國

傳難朽之寶家贏一倍之利不俟加憲巧源自絕上

從演之議六月以一當兩行之經時公私非便乃罷

卷五十四

明年五月言事者欲禁私銅以充官鑄五銖范泰曰貨

存貿易不在多少孝武孝建元年正月更鑄四銖文曰

孝建徐爰議收銅繕鑄詔可之以銅贖刑又以為銅

轉難得欲鑄二銖錢顏竣言不可者二不聽景和二

年鑄二銖錢又永光元年二月甲辰罷文曰景和形式

細人模效之翦鑿者謂之未子薄者謂之荇葉永光

元年九月戊午沈慶之啓通私鑄於是錢貨亂一千

錢長不盈三寸謂之鵝眼縱環明帝泰始初禁之唯

用古錢齊志永明八年劉俊言蒙山下有嚴密銅山

舊鑄錢處上遣使入蜀鑄錢頃之以功費多而止隋

錢幣

**志**梁武帝天監元年鑄錢文曰五銖重四銖三參三

黍又別鑄除其肉郭謂之公式女錢徑一寸五分曰五

銖重如新鑄五銖二品並行百姓私以古錢交易五銖

女銖太平百錢對文豐貨定平一百五銖此等輕重不一稚錢。至

普通四年十二月戊午更鑄鐵錢人皆私鑄八十為

百名曰東錢七十為百名曰西錢京師九十為百名

曰長錢末年以三十五為百梁夫又有兩柱鵝眼錢

陳文帝天嘉三年閏五月甲子改鑄五銖一當鵝眼

十宣帝大建十一年七月辛卯鑄大貨六銖一當五

銖之十後還當一人皆不便後魏志孝文帝始用

錢太和十九年公鑄粗備又曰太和五銖宣武永平

三年冬又鑄五銖孝莊初私鑄者益更薄小乃至風

飄水浮楊侃奏更鑄五銖高恭之以為有五銖之名

無二銖之實永安二年秋更鑄文曰永安五銖盜鑄

彌衆高謙之求鑄三銖錢事未就隋志北齊文宣天

保四年正月己丑改鑄常平五銖重如其文後周武

帝保定元年七月更鑄布泉之錢建德五年以一當

五與五銖並行建德三年六月壬子鑄五行布錢

以一當十宣帝大象元年十一月丁巳又鑄永通萬

國錢一以當千凡三品並用隋文帝開皇元年九月

錢幣

鑄五銖重如其文十年詔晉王廣聽於楊州立五鑪  
鑄錢漢王諒於并州立五鑪又詔晉王置十鑪蜀王  
秀於益州立五鑪是時錢益濫惡自漢至隋五日錢輕重皆用五銖

唐開元通寶 乾元重寶 乾封泉寶

食貨志隋末行五銖白錢高祖入長安民間行綫環

錢八九萬纔滿半斛武德四年會要七月鑄開元通

寶徑八分重二銖四參十錢重一兩得輕重大小之

中其文以八分隸篆三體舊紀武德四年七月丁卯廢五銖行開元通寶錢

舊志開元錢之文歐陽詢賜齊秦王三鑪裴寂一鑪

以鑄乾封元年四月會要五月二十日改鑄乾封泉

寶錢以一當舊錢之十明年復行開元通寶錢會要二年

正月二十九日詔乾封新錢更不須鑄私錢犯法日蕃武后時盜鑄蜂

起先天之際兩京錢益濫邠衡錢纔有輪郭鐵錫五

銖之屬皆可用之開元初六年正月十八日勅宗璟請禁惡錢

行二銖四參錢行三銖四分毀舊錢不可用者江淮

有官鑪偏鑪錢稜錢時錢璟又請出米十萬斛收惡

錢少府毀之七年二月十一年詔所在加鑄二十六年宣

潤等州初置監其後錢又漸惡詔出銅所在置監鑄

開元通寶錢京師庫藏皆滿盜鑄益起兩京城有鵝

眼古文綫環之別至翦鐵而緝之天寶十一載內作

判官韋倫請厚價募工役用減而鼓鑄多肅宗乾元

元年七月經費不給鑄錢使第五琦鑄乾元重寶錢

以一當十詔曰周興九府實歲流泉之利漢造五銖

亦弘改鑄之法琦為相戊辰二年九月復鑄重輪乾元錢

一當五十肅宗以新錢不便命百官集議不能改年

三月十三日詔變法非良令百官集議上元元年六月七日減重輪

當二十開元乾元一當十由是錢有虛實之名代宗

即位寶應元年五月重寶以一當二重輪當三凡三

日十九而大小錢皆以一當一人便之其後二錢鑄

為器不復出矣劉晏以江嶺麓賤之貨積之江淮易

銅鉛薪炭廣鑄錢歲得十餘萬緡輸京師及荆揚二

州錢日增矣建中初四年判度支趙贊采連州白銅

鑄大錢一當十以權輕重正元初禁錢出駱谷散關

張滂奏禁江淮鑄銅為器時商賈至京委錢諸道進

奏院及諸軍諸使以輕裝趨四方合券乃取之號飛

錢元和四年六月禁錢出嶺京兆尹裴武請禁與商

賈飛錢者六年二月貿易錢十緡以上者參用布帛

自禁飛錢家有滯藏物價浸輕判度支盧坦請許於

戶部度支鹽鐵三司飛錢每千錢增給百錢然商人

無至者大和三年峻鉛錫錢之禁文宗詔禁銅器宰

相李珣請加鑪鑄錢武宗廢浮屠法永平監官李郁  
彦請以銅像鍾磬鑪鐸皆歸巡院淮南節度使申請  
天下以州名鑄錢京師為京錢大小徑寸如開元通  
寶會要會昌六年二月敕十月以後行新錢其舊錢  
權傳宣宗立新錢復鑄為像柳仲郢傳為鑄鐵使  
吏請以字識錢者不荅既淮南鑄會昌字久之僧反  
取為鍾鈸云舊紀武德四年七月丁卯廢五銖錢  
行開通元寶錢乾封元年四月庚寅改鑄乾封泉寶  
錢二年正月罷乾封錢復行開元通寶陸贄奏議  
謂宜廣即山殖貨之功峻用銅為器之禁制捋得所  
則錢不乏矣

### 唐鑄錢議

鑄錢使

食貨志

兼用會要

開元二十二年三月二十一日宰相張

九齡奏請縱民鑄錢議下百官裴耀卿等皆以為許  
私鑄則下皆棄農而競利祕書監崔沔議曰錢貴通  
貨何待私鑄然後足用左監門衛錄事參軍劉蕡上  
議曰今之錢古之下幣也今若捨之任人自鑄則上  
無以御下下無以事上其不可一也物賤則傷農錢  
輕則傷賈輕則由於物多多則作法收之使少則  
重重則作法布之使輕柰何而假於人其不可二也

夫鑄錢不雜以鉛鐵則無利雜以鉛鐵則惡其不可  
三也人去南畝者衆其不可四也昔吳淠富以六子  
鄧通財侔王者皆鑄錢所致必欲許其私鑄是與人  
利權其不可五也夫錢重者由人鑄日滋於前而鑪  
不加於舊盜鑄者破重錢以爲輕錢禁寬則行禁嚴  
則止止則弃矣此錢所以少也夫銅不布下則盜鑄  
者無因而鑄而公錢不破人不犯死刑錢又日增是  
一舉而四美兼也時公卿皆以縱民鑄爲不便事既  
不行但嚴斷惡錢而已杜佑以爲自昔言貨幣者皆  
不達其要唯賈生劉秩頗詳  
其信安王禕復言國用不足請縱私鑄獨韋伯陽以

王 卷百八十

十一

王

爲不可禕議亦格肅宗以新錢不便命百官集議不  
能改 **會要**開元二十五年二月羅文信爲諸道鑄  
錢使天寶三載九月楊慎矜除御史中丞充鑄錢使  
六載楊釗上元元年五月劉晏寶應元年劉晏又充  
廣德二年第五琦李峴永泰元年正月十三日劉晏  
第五琦分領大曆五年三月二十六日停  
晉天福三年十一月詔許天下私鑄四年七月復官  
鑄 周世宗顯德二年九月丙寅詔禁天下銅器始  
議官鑄錢毀天下銅佛以鑄

唐鑄錢七監

錢官

洛源 桂陽 飛狐 監

錢幣

百官志諸鑄錢監監各一人副監各二人丞各一人

凡鑄錢有七監府屬少會昌中增至八監每道置鑄錢

坊一大中初三監廢韓洄傳上言江淮七監請皆罷又言天下

於子請復各源廢監江淮七監請皆罷又言天下

銅鐵冶隸益鐵使從之食貨志天下銅坑五十歲

萬六千一斤地理志商州有洛源監錢官建中初

戶部侍郎韓洄以商州紅崖冶銅多請復洛源廢

州有桂陽監錢官志元和三年五月李巽以桂陽監

兩鑪日鑄錢一十萬天下歲鑄錢十餘萬復置桂陽監

商賈蓄錢者皆出以市貨詔曰著錢令以出滯藏加

鑄錢官進新鑄錢錢譜曰咸通元寶尋廢不行河東

蔚州飛狐有三河銅冶有錢官志蔚州三河冶而近

河東節度王鐸置鑄以刺史李聽為使以五鑪鑄每

鑪錢復起鹽鐵使王涯置飛狐鑄錢院於蔚州天下

歲鑄錢不及十萬會要元和六年三月鐸奏請

官鑄錢日五萬河中府解縣有茶泉監乾元元年

置有銅穴十二揚州有丹陽監廣陵監錢官宣州南

陵有梅根宛陵二監錢官鄂州有鳳山監錢官饒州

有永平監錢官有銅坑三信州有玉山監錢官有銅

坑一鈇坑一絳州有銅源翔臯錢坊二梓州銅山縣

正觀二十三年置鑄錢官調露元年罷食貨志武

德四年洛并幽益桂等州皆置監會要七月并

益等州五年五月置監開元二十六年宣潤等州初置

監天下鑪九十九絳州三十揚潤宣鄂蔚皆十益柳  
皆五洋州三定州一每鑪歲鑄錢三千三百緡及丁  
匠三十費銅二萬一千一百斤鐵三千七百斤錫五  
百斤每千錢費七百五十天下歲鑄三十二萬七千  
緡穆宗時元和十五年閏正月十七日令百僚議錢貨輕重戶部尚書楊於  
陵曰開元中天下鑄錢七十餘鑪歲盈百萬今纔十  
數鑪歲入十五萬而已大曆以前淄青太原魏博雜  
用鉛鐵嶺南雜以金銀丹砂象齒今一用泉貨故錢  
不足宜使兩稅榷酒鹽利上供及留州送使錢悉輸  
以布帛穀粟然後出內府之積收市廛之滯廣山鑄

之數限邊商之出禁私家之積六典鑄錢監屬少

府監各一人皇朝少府置十鑪諸州皆屬焉及少府  
罷鑄錢諸州遂別今絳州三十揚宣鄂蔚各十益鄧  
柳各五洋州三定州一鑄錢監以所在州府都督刺  
史判之副監二人上佐判之丞一人以判司代宗

實錄大曆四年正月丁酉關內道鑄錢等使第五琦

上言請於絳州汾陽銅源兩監增置五鑪鑄錢許之

唐銀銅鐵錫冶 瑞金監 山澤寶冶

食貨志凡銀銅鐵錫之冶一百六十八陝宣閩饒衢

信五州銀冶五十八銅冶九十六鐵山五錫山二鉛



山四汾州礬山七麟德二年廢陝州銅冶四十八開

元十五年初稅伊陽五重山銀錫德宗時韓滉建議

山澤之利宜歸王者自是隸鹽鐵使上言天下銅鐵

治乃山澤利當歸王者請悉隸鹽鐵使從之元和初天下銀冶廢者四十

歲采銀萬二千兩銅二十六萬六千斤錫二百七萬

斤鐵五萬斤鈔無常數開成元年復歸州縣宣宗時

裴休請復歸鹽鐵使增銀冶二鐵山七十一廢銅冶

二十七鈔山一元和三年六月詔天下自五嶺以比

依前開採紀大曆十四年七月庚午施州金坑禁

志凡天下有銀者三十六縣關內一河南五河東二

山南二隴右三江南十九劔南一嶺南三有銅者六

十三縣關內二河南五河東九河北一山南一隴右

一淮南四江南三十一劔南六嶺南三有鐵者一百

三縣關內六河南八河東十五河北九山南十隴右

一淮南三江南二十七劔南十八嶺南六有錫者十

三縣河南二河東一河北一山南一江南六嶺南二

有金之郡縣十八關內一河南一山南三隴右一江

南七劔南二嶺南三天祐元年虔州置瑞金監虔之

粵都有金百官志少府監有掌冶令丞諸台監令

丞列傳河間王孝恭治荊州為立銅冶百姓利之

卷一百一十一

權萬紀為持書御史奏宣饒部中可鑿山台銀炭  
取數百萬太宗斥之曰不能推賢乃以利規也  
思復遷滁州刺史州有銅官人錐鑿尤苦思復為賈  
他鄙費省獲多國史兩朝志金銀銅鐵鉛錫之冶  
總二百七十一金產六州冶十一銀產二十三州三  
軍一監治八十四銅十一州一軍治四十六鐵二十  
四州二軍治七十七鉛九州一軍治三十錫七州治  
十六又丹砂二州治二水銀四州治五皆置吏主之  
九牧脩貢篚十人申厲禁

### 唐錢譜

藝文志農家類顧烜錢譜一卷顧氏為書凡歷代造

唐皆有序小說類封演續錢譜一卷隋志又有錢圖一

晁氏志梁顧烜嘗撰錢譜一卷唐張台亦有錢

錄兩卷本朝紹聖門李孝美以兩人所纂舛錯增廣

成十卷分八品陶岳撰貨泉錄一卷記五代諸侯擅

改錢幣之由五篇董道撰續錢譜十卷紹聖元年國史

志張台錢錄一卷本朝金光于公甫古今泉貨圖一

卷崇文目杜鎬鑄錢故事一卷書月成平二年杜

書史鑄錢故紹興十九年洪遵得古泉百有餘品

旁考傳記下逮裨官所紀攬撫為泉志十五卷有正

不知年代  
奇神  
大勝品  
刀布錢  
外國  
九

錢輕重得中  
五銖  
漢開元  
唐

錢重  
赤仄  
漢一當五  
比輪  
晉大泉  
王莽一直五十

又吳嘉禾五年一當五百  
太貨六銖  
陳一當五銖之

十四柱  
梁一准二十  
又改一准十  
兩柱  
梁木布泉  
後

周一當五  
大布  
後周五行大布一當十  
永通萬國  
後

周一當千  
當兩  
宋乾封  
唐高宗  
當一  
建中初  
趙贊

鑄大錢一當十  
當十  
唐永通  
梁元帝  
八銖  
漢乾元

肅宗一當十  
重輪乾元  
一當五十  
直百  
蜀  
梁當千

後周得壹  
史思明一當百

錢輕  
榆莢  
三銖  
漢風飄  
水浮  
元鵝眼  
緹環

未子  
苻葉  
二銖  
宋沈郎  
四分  
晉

開寶便錢務

開寶三年五月丁巳詔於兩京置便錢務命陳鄂監

取唐諸州飛錢故事許民入錢左藏庫以諸州錢給之

司於戶部鹽鐵三  
飛錢謂之便換

開寶錢監 至道永豐監 皇祐永通監

建隆二年三月禁鐵錫錢乾德五年十二月丙辰禁

惡錢開寶四年正月雅州百丈縣興置錢監

千餘貫增十鑪九年七月昇州言歲鑄三十萬緡命

錢幣

通判杜見素經度采銅江南舊用鐵錢十當銅錢之

一大祖平吳因舊制開監于鄱陽興國二年二月壬辰朔漕臣樊若水奏復用銅錢四年九月乙酉初聽

銅錢入蜀八年三月奚嶼請於建州鑄大鐵錢文曰

太平通寶尋以不便罷先是李煜因唐制於饒之永

平監歲鑄六萬緡江南平增為七萬患銅少不給漕

臣張齊賢調丁采饒信虔等州銅鉛錫是年增數十

倍明年得銅鉛八十五萬斤錫十六萬斤歲鑄錢三

十萬以丁釧領三郡銅山初永平監用開通元寶錢

銅歲增數倍稍惡矣天聖間歲鑄銅錢六百萬慶曆

間至三百萬熙寧六年後歲鑄銅錢六百萬慶曆

至道二年十月己未池州新置錢監賜名永豐先是

饒之永平歲鑄四十萬貫今分置是監共鑄六十四

萬貫揚言其事始分鑄於池咸平二年五月宰臣齊賢請置

監廣鑄命虞部郎馮亮等按視至建州置豐國監江

州置廣寧監明年凡鑄一百二十五萬八月丙子祕

閣校理杜鎬等承詔檢討鑄錢故事上之鑄寧監歲

貫肇四月癸亥終七慶曆元年九月壬申以虢州監

為朱陽監十一月詔江饒池錢監鑄鐵錢百萬緡六

年五月壬寅以興元府西縣錢監為濟遠監八年六

月乙未詔陝西所用江南儀商等州大銅錢以一當

錢幣

三其小鐵錢三當銅錢之一先是慶曆初兵興用之  
知商州皮仲容議采洛南縣紅崖山號州青水治青  
銅置阜民朱陽二監以鑄錢陝西漕臣張奎永興守  
范雍又請鑄大錢一當十四年復采儀州黃銅置博  
濟監鑄大錢而江南亦鑄大銅錢江池饒晉儀號州  
鑄小鐵錢並輦送關中雜行大約小銅錢三可鑄當  
十大錢一民多盜鑄物價翔踊命翰林學士張方平  
宋祁中丞楊察與三司雜議至是與三司使葉清臣  
等先上陝西之議謂採弊不先自損則法不可以下  
行遂下是詔十月辛丑詔河東所用小鐵錢以三當

三法考百一

銅錢之一仍罷諸州官所置鑪元年晉州鑄小鐵錢

一當十未幾三司罷鑄大錢五年小錢獨其後罷商

州鑄青黃銅錢皇祐二年詔大銅鐵錢並當常錢之二

嘉祐四年盜鑄乃止慶曆八年九月癸亥詔州置鑄

錢監時天興場歲采銅二十五萬斤皇祐元年二月

丁卯以韶州新置監為永通監淳熙十一年至和二年

三月詔韶州岑水場銅發令漕司益鑄錢治平四年

置惠州阜民監熙寧三年八月二十四日阜民監

又增鑄二十萬近改鑄折二錢歲增二十萬紹興七年七月

復歸內熙寧三年七月十三日陝西興置鑄錢監市

錢幣

岑水場銅鈔增鑄百萬緡六年六月壬辰行折二錢  
七月四日詔京西淮淝江西荆湖六路各置鑄錢監  
一江荆以十五萬餘以萬緡為額七年三月二十八  
日以永興鑄折二錢備熙河之用二十四日三司言  
河北有銅五十七萬九千九百餘斤錫九千八百九  
十餘斤詔度地置監乃置黎陽監于衛州歲鑄三萬  
五千緡八年二月一日商號洛南增置三監擢郎權  
置二監凡九監鄆州等五監俟改鑄省樣錢畢九月  
九日岷州置監十月十四日詔黎陽監歲增鑄折二  
錢五萬緡十一月十一日進熙河當二鐵錢樣九年

四百一十

卷一百八十一

中

六月八日罷折二錢

初薛向鑄折二錢於陝西許

有二品自周已

然乃復行之十月五日命饒州增鑄三十萬緡元

豐元年八月興州濟衆監增鑄并舊為七萬二千餘

緡二年二月二十九日通遠軍監改鑄銅錢罷鳳翔

郿縣置監三年六月二十九日徐州置監十一月二

十六日興復雅州錢監歲鑄三萬緡餘見後元祐二

年七月二十一日置河中府龍門韓城錢監八年五

月十一日罷二廣鑄折二錢八月陝西復鑄小銅錢

紹聖二年十二月施州置廣積監崇寧元年八月戶

部言江池饒建四監歲額上供新錢一百二十餘萬

錢

貫二年十月行當十錢三年二月復置寶豐黎陽監  
九月詔東南十監舒衡睦鄂韶梧六監鑄小錢餘五  
監鑄當十錢四年閏二月汝州魯山置監并陝西兩  
河京西十八監鑄夾錫錢大觀二年七月懷衛州建  
鑄錢院政和四年四月復融州寶新監六年四月置  
邕州通寶監宣和六年七月罷萬州廣濟監江東鑄  
銅錢始  
于樊若水以錫雜鑄始于張齊賢嘉祐有折二  
之今雖鑄於陝廣至熙寧而始行慶曆有當三之請  
鑄三廢於鄭戩至崇寧而始

淳化御書三體錢

國初錢文曰宋元通寶淳化元年五月乙未改鑄淳

三法卷百八十

化元寶錢上親書其文作真草行三體自後每改元  
必更鑄以年號為文景德權衡式以御書三體錢較  
定祥符元年六月癸巳賜輔臣新鑄御書祥符元  
寶錢

淳化鑄錢議

淳化二年十二月宗正少卿趙安易言蜀鐵錢賤而  
物騰請如劉備鑄大錢十當百事下尚書集三省議  
可否吏部尚書宗琪等議曰備患鈔少而改作今乃  
忠多改之恐難經久安易論請不已鹽鐵使李惟清  
言非便度支使魏羽請於一州鑄而行之以觀其效

乃命安易以錢式往川峽鼓鑄歲僅得三千餘緡議者以爲非便罷之五年正月庚申安易復請鑄帝不從但令兩川以銅錢一當鐵錢十民頗便之景德二年二月知益州張詠鑄大鐵錢于嘉印四年五月詔行之一當十祥符七年二月凌策又請鑄當十鐵錢與舊錢兼行慶曆事見後興國二年九月丁酉詔所在用七十七陌初因漢乾祐之制以八十五爲百益利夔三州皆有鐵冶邛州舊鑄歲十萬緡建炎二年六月乙卯罷之紹興十五年七月戊申始即利州鑄錢歲十萬緡其後增至十五萬二十三年六月丁酉復

の七  
五海卷百八十

置監于邛明年四月乙酉詔邛州歲鑄三萬緡利州九萬緡二十五年又詔利州鑄大小錢各二萬緡三十一年二月戊申邛州復置惠民監歲鑄鐵錢三萬緡再減利州錢爲六萬緡大小各半許景衡曰元豐左藏庫月支約三十六萬緡宣和費一百二十萬

咸平鑄鐵使

咸平三年五月庚申馮亮以江南運副兼都大提點鑄錢亮等言饒池五建州景祐二年八月己卯置提點坑冶鑄錢官初命魏兼乙丑詔俸賜同提刑置寶元元年八月丁卯復置發運使提點鑄錢事



宋朝鹽鐵領於三司後鑄錢屬發運使其後專置使以總九路故鑄銅之數視歷代爲多自元豐二年七月癸酉增使者爲二其一領湖廣江西其一領閩浙淮南江東迨至元祐復合于一又慮諸道莫與之協力也紹聖二年始命提點刑獄兼治坑冶明年又詔轉運使預聞其事崇寧間則提舉常平亦與焉中興以來用度旣廣泉府之入浸虧於舊議者謂數錢之費可得一錢而官屬吏卒其費不可計始也分命兩使于贛于饒蓋倣元豐之制也未幾廢一而存一又未幾舉廢之而歸其職於戶部蓋效三司之制也議

四卷二

玉海卷百八十

者不以爲便則又委之諸道轉運使蓋酌紹聖之制也旣而課入益股尋旣復其一繼又增爲二今蓋定爲一司矣乾道六年四月一日併于發運司七年二月復置八年十二月置提點官二員分治饒贛淳熙二年併于饒州初虔饒分鑄歲解緡錢四十九萬後總九路爲一司歲額僅十五萬

祥符九年五月發運一言饒池江杭四監共鑄百二十七萬緡用銅四百五十三萬餘斤元豐二年七月七日三省言鑄錢司舊領五監近歲江池饒增歲鑄額及興國睦衡舒蘄惠朔置六監宜增提點一員乃

命錢昌武領淮淝建江東李蔡領湖廣江西元祐元年二月庚申朔合為一司從李深請也崇寧五年六月三日中書奏錢監鑄銅錢總二百八十九萬四百貫諸路支費錢一百五十六萬貫詔蘇莊提舉九路

銅事先是游經言有膽水可浸鐵為銅者韶岑水潭劉陽及鈔山德興建蔡池婺銅山汀赤水邵武黃齊潭礬山温南溪池銅山凡十一所唯岑水鈔山德興已經理餘未也靖國元年四月九日命經提舉措置銅事大觀四年三月壬戌罷江淮等路銅事併入鑄錢司紹興二十七年七月庚午戶部侍郎林覺奏請

王江在百八十

千七

復饒永平贛鑄錢院韶永通監選通判主之領以漕臣饒贛八萬緡韶七萬緡為額奏可殿中御史王玘言泝水鈔山興利三場唯給兩監韶州監久廢難復用十七錢鑄一錢費多得寡請先收本錢然後專置一司八月庚申戶侍崇嶷兼提領鑄錢二十八年八月壬寅選官二員往嚴饒州借置命戶部侍郎趙令詎提領二十九年七月乙巳復置鑄錢司上曰利害然亦止鑄十萬緡而止乾道二年二月庚子設饒贛兩司

會要有金之州十有銀之州四十二有銅之州十三  
涇饒信興國南安郴興建南劔汀漳邵武英有鐵之

州三十六西京至駐水有鉛之州十一有錫之州十

三凡山澤之入金一千四十八兩銀十二萬九千四

百六十兩銅二千一百七十四萬四千七百四十九

斤鐵五百六十五萬九千六百四十六斤鉛七百九

十四萬三千三百五十斤錫六百十五萬九十餘斤

歲總收金三萬七千九百八十五兩銀二百九十萬

九千八十六兩諸路上供金萬七千四兩銀百十四

萬六千七百八十四兩凡賦入之數金萬七千九十

七兩銀百二十三萬一千二百七十七兩

有金二十五州十三州土貢有銀七十四州二十一

州土貢銅二十一州元豐元年計一千六百六十二

十六州元豐元年收五百五十五斤錫三十一州錫二十七

州紹興三十二年虞部具諸道坑冶數金坑興者一

百三十四廢者一百四十銀坑興者八十四廢者八

十三銅坑興者五十七廢四十五鐵坑興者三百七

十七廢二百五十六鉛之興三十二而廢十五錫之興

七十四而廢四十四凡銅場十四鐵場三十八鉛場

二十四錫場五乾道二年七月鑄錢司言銅歲取七

錢幣

續會要

百五萬七千二百六十三斤有奇鐵歲收二百十六萬二千一百四十四斤有奇鈔三百二十一萬三千六百二十二斤有奇錫七十六萬一千二百四斤

開寶二年十一月乙巳詔未<sub>七</sub>捐金於山豈忍奪民

之利減桂陽監歲入白金三之一至道元年三月廢

邵武金場二年正月廢成州金坑詔曰捐金於山前聖

盛德所寶惟穀舊史格言九月廢衢州銀冶景德元

年正月建州寶通山出銀以圖來獻天聖四年十二

月乙未虔州石城產銀置義豐場建炎元年八月十

六日依祖宗舊法山澤坑冶隸金部轉運<sub>二年是隸右</sub>

一法九百八十

槽<sub>及常平政和六年有</sub>乾道二年五月二十五日命

工部侍郎薛良朋措置諸路坑冶良朋言歲鑄錢一

百六十一萬七千九百三十五貫約用銅五百五萬

六千餘斤以銅少權以五十萬緡為額韶之岑水銅

六十二萬斤今增為七十七萬潭之永興五萬斤今

增為十五萬信之鈔山三十八萬斤潼川利州一萬

四千六百六十二斤九年閏正月五日江淮制產

利路隸饒司江西湖廣隸贛<sub>十月言岑水永興鈔山</sub>

有管仲則藏富於國得劉晏

則錢流於地

錢幣

天聖交子務

初蜀民以鐵重私為券謂之交子以便貿易至大中祥符末薛田為轉運使請官置交子務以權其出入久不報寇瑊守蜀請廢交子不用瑊去而田代之詔田與轉運使張若谷度其害田若谷議請官為置務禁民私造詔從之置益州交子務時天聖元年十一月戊午也每界以一百二十五萬六千三百四十為額大觀元年夏四月甲子詔改交子為錢引熙寧四年正月詔陝西行交子

元豐二十七監

六百八十

會要元豐三年是歲諸路鑄錢總二十七監一作二十六監鑄銅鐵錢五百九十四萬九千二百二十四貫銅錢一十七監鑄錢五百六萬貫鐵錢九監鑄錢一十八萬九千二百三十四貫

銅錢

西京阜財監二十萬貫衛州黎陽監二十萬

貫永興軍監陝州華州監各鑄二十萬貫絳州垣曲

監二十六萬貫舒州同安監十萬貫睦州神泉監

萬貫興國軍富民監二十萬貫衡州熙寧監二十萬

貫鄂州寶泉監十萬貫江州廣寧監二十四萬貫池

州永豐監四十四萬五千貫饒州永平監六十一萬

五千貫建州豐國監二十萬貫韶州永通監八十萬

貫惠州阜民監七十萬貫鑄錢監惟饒之永平最壯

增池之永豐咸平中增江之廣寧而慶之鑄錢完大

觀末二年豐賦始建皇祐會計錄饒池建江

州鑄一百萬貫鐵錢 魏州朱陽兩監十一萬五千貫慶曆元申

商州阜民洛南兩監各十二萬五千貫威遠鎮

滔山鎮州兩監二十萬貫興州濟衆監四萬一千貫

嘉州豐遠監二十萬五千貫邛州惠民監七萬三千

二百三十四貫以三州鑄大錢凡銅錢行一十三路

銅鐵錢兩路鐵錢四路 元豐四年二月十四日詔

秦州置監六年三月丙子朔詔除州置寶豐監以四

十萬緡為額七年四月二十日置寶豐監以一月二日梧州

置監以十五萬緡為額八日高州置鐵錢監八月朔

同州置鐵錢監渭州復置博濟監七天下坑台片

一百三十餘所八年十二月八日戊寅詔罷增置

十有四

漕輶兼統肇於興國都提命官時於咸平合江生

制閩廣而建一臺則景祐之憲廣東治於饒西治於

虔則元豐之章程自崇寧以迄政和宗輝五宣和庫

務所積一千三百餘萬諸監鑄九百餘萬諸路餘鐵

錢

三十餘萬通內外所有凡五千萬有奇宣和元年都省言云云許景衡曰元豐左藏庫月支約三十六萬緡宣和費一百二十萬

### 中興鑄錢監

中興會要饒州永平監額口十六萬五千貫池

豐監三十四萬五千貫江州廣寧監二十四萬

十萬貫建寧府豐國監二十五萬四百貫熙二

紹興二年韶州永通監四萬七千一百七貫二年

州鑄錢監嚴州神泉監並無定額紹興

二年八月癸巳永豐監卒寓於饒廣寧監卒寓

役於虔移少就二十七年七月戶部侍郎林

覺奏慶曆嘉祐以來歲鑄一百八十萬緡後亦不

下一百餘萬紹興二十五年始得一千緡

二十六年得二十三萬緡孝宗定鑄額歲十五萬

治場之盛名在幹官者鈇山濠山堰岑水昭

寶寶成寶瑞雙瑞嘉瑞大鈇濟永興新興

利大富廣富通利通濟監務坑并殆幾萬計

建炎元年七月丙辰工部郎李士觀言江池饒

四監歲鑄錢百三十三萬餘緡多未輸者今發運

委官催督九月庚戌始通當三大錢於淮淝荆湖諸

路政和舊法大錢止行於京畿東西河東北由是東  
南小平錢甚重而物輕張勳言改當十為當三無利  
鑄之利請行於東南從之九月壬辰鑄建炎通寶與三  
年六月三日命江池饒錢監各二萬五千緡為一  
紹興元年八月十八日工部進直蒙當二小平  
錢牙樣詔下鑄錢司三年八月工部侍郎李擢  
初得唐乾元中所置永平監舊在國之咸陽四十六  
萬緡逮至道咸平置永豐監在國之三原然當八十  
六萬餘緡一歲上供百三十餘萬緡治興二年八月  
併廣寧永豐二監既兩司分歲額是年又罷豐國今  
虔司閩漕各一歲額鑄不及往時十二三纔八萬緡  
十五年七月四日置利州鑄錢監一十六千六月十  
六日上謂錢法開元始精緻國貨平羊崇寧錢  
亦精二十八年七月庚辰嚴銅監召興二一年五月  
丙戌諸路歲鑄錢以五十萬緡為額明年纔鑄  
萬緡惟嚴州神泉監直輸在任而建寧饒贛皆  
怒乾道三年三月以左藏庫錢九萬八千八百上  
下嚴州神泉監鼓鑄可鑄錢三萬九千五百餘  
年四月命朝臣往淮西措置鐵錢六月舒曰同安  
勳曰蕪春監黃曰齊安監七年十一月興置撫之裕



國六萬緡 臨江之豐餘 五萬緡 興國之富民監 十萬緡  
慶元三年二月癸巳復禁銅器

紹興會子務

紹興元年六月壬午張俊始一見錢關子於發十後  
行於淮南江東議者言不有五年二月甲一

是張澄請依四川法造子三萬行於江淮

遂置行在交子務造百五十萬增元

改為關子三十年十二月一日戶部端

以臨安府應支官錢造會子欲以裁品六三十

手戶部請以茶場會子務為二月丙辰始立會

子務分一千一千三千凡三

郎唐瑑言自紹興三十一年印造

位印共印二千二百餘萬造

千萬緡為一界

周官小宰八成七曰聽稱以傳別注謂券書

用漢武帝之皮幣參唐憲宗之飛錢通物之變

之偏

玉海卷第百八



錢幣終



